



**ATASSUT**

**UKA 2016/100**

**Siverth K. Heilmann**

**19. 10. 2016**

**Namminersorlutik Oqartussat iluanni aammalu suliffeqarfiit Namminersorlutik Oqartussat pigisaasa iluanni atorfilittat qullersaasa tullersortaasalu 60 - 70 procentii piginnaasaqarnikkut tulluartut marlunnik oqaaseqartuunissaat anguniarlugu ukiut qulit ingerlaneranni sulisussarsiuussinermut tunngaveqartitsisussamik atorfinitsitsisarnermut aalajangersimasumik anguniagaqarnissamut periusissiorinissamut, ilinniartitaanermullu ilinniaqqinnermullu periusissamik UPA 2017 sioqqullugu Naalakkersuisut saqqummiussaqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartuni ilaasortaq Peter Olsen, Inuit Ataqatigiit)

Inatsisartuni ilaasortaq Peter Olsen, Inuit Ataqatigiit, qulequttamut soqutiginaruaannartumut saqqummiussaqaqarninnut qujanaq, imatullu ATASSUT-miit oqaaseqarfigissavarput.

Uanga nammineq 1953-imi inunngortunga qallunaanngunngisaannarsimavunga aamma qallunaanngorsaaneramik kalaalinngorsaanermilluunniit oqallittoqaraangat, kalaaliunera allann-gunngisaannartussaavoq. Meeraaninni peroriartorfigisara Maniitsoq allatuulli kalaalerpasuarnik kæmnereqarnerup il. il. sulisut aalajaatsut pikkorissorsuillu maligassiuisimasut nuannaartoriu-aannarsimavakka. Aap sanaartortoqarluarnerata nalaani qallunaaqarpoq aamma qallunaanik ilinniartitsisoqarneq atuartuunitta nalaani, periarfissatut allatuulli ilinniartitsinneqartarneq qujarunnarnera miserratigineqarsinnaanngilaq.

Kalaallisut ilinniartitaasimanerput kingumut qiviaraanni, tupinnaannartumik kalaallinik ilinniartitsil-laqqissunik Kalaallit oqaatsitta, allattaasitoqqattalu eqqortumik atorneqarnissaanut peqarsimanerput puujugassaanngilaq, soorunami aamma allattaatsimut ikaarsaarsimanerput ilikkalertornerutinneqartartoq, oqaatsittalu tammangisaannarnissaanut ilinniartitsisuinnaanngitsut kikkulluunnit tammatsaaliinermut peqataasartut tamarmik qutsavissaapput.

Aalajangiiffigisassatut siunnersuut qiviaqqikkaanni, Namminersornerullutik Oqartussaqaqartussat pigisaasa iluanni atorfilittat qullersaasa tullersortaasalu, marlunnullu oqaaseqartuunissamik anguniagaqarnermik

kingumut qaqqinneqarpoq. Siunnersuuteqartup ujartugaa anguniagaalu ataatsimii vimmilluunniit assertugassaannigilaq. Oqartoqarsinnaavoq taava taakku qulequttat.

Sooruna kommuunetoqqat ilaanni, sulisut 95 procent nunaqavissut minnerpaamillu marlunnik oqaaseqarfiusumi sulisut pikkorissut anguneqarsinnaasut, ukiorpassuarni atasinnaasut ilinniarfigineqarumangillat. Oqaluinnarlunimi saqqummiuteqattaaginnarlugillu siunnerfiit anguneqarsinnaangillat, aatsaat sulisoqarnermut politikkeqaraanni, aqqutissiuussigaanni iliuseqaraannilu angorusutaq piviusunngortinneqarsinnaavoq.

Oqaatsitta pisortatigoortumik atorneqartussaannerannik siunnersuuteqartumiit eqqaasinneqarnerput ilumoortorlu oqaaseqarfigilaassagaanni, politikikkut inatsisartoqarnerullu ingerlaneranni partii ATASSUT qallunaamik oqaluttumik ilaasortaqaarnerata nalaanni, sakkortunerpaamik uparuartuisoq upissussisorlu tassaavoq **Inuit Ataqatigiit partiiat**. Kikkulluunniit politikikkut malinnaasut arajutsisimanngilaat aamma Inuit Ataqatigiit qallunaatut oqaluttunik ilaasortaataitaqartarmat, uvagulli ATASSUT-miit upissussinataluunniit qallunaatuinnaq oqaluttortai allatuulli suleqatitut inuillu qinigaattut sulinerat ataqqillugu suleqatigilluartaratsigit.

Nunasiaanermi eqqartuineq pivallaanngikkaluarlugu, ukiuni 27-vine politikikkut sulininni, qulaani oqariartuutima saniatigut, atorfinnut assigiinngitsuni qinnuteqartitsinerit ikigisassaannigitsut peqataaffigalugillu aalajangeeqataasarsimavunga. Oqarsinnaavungalu nunaqavissunik qinnuteqartoqartillugu, amerlaqaat nunaqavissunik atorfinitsisarnigut. Ajoraluartumilli aamma kalaallinik qinnuteqartoqanngitsoortoqartarpoq aap periarfisseeqqissinnaasarpugut, atorfilittagut piginnaasaqarnerat aallaaviujuaannarpoq aammali suliffigisami ilinniartitseqqittuarnikkut nunaqavissut pitsassuarmik ataavartumillu sulisinnaanerat anguneq ajornannigilaq. Nunatta ilaani pitsaasumik aamma allatuulli aqqutissiuussineq tassaneereerpoq.

Naalakkersuisut siunnersuuteqartumut akissutaat atuarluarsimavarput aamma itigartitsinissamik inassuteqarnerat. ATASSUT-illi suleqatigiilluarnissamik paaseqatiginnissamillu pingaartitsisuunermi saniatigut siunnersuuteqartup angorusutaanut eqqartukkattalu sunniuteqarfiginissaat anguneqarsinnaappat, ataatsimiitaliami nalilersuinissamut ammvugut.

Taakkuupput ATASSUT-miit oqaatigiumasagut.

Qujanaq